


**SKOGINFORMASJON
FRA
LANDBRUKSKONTORET
FOR SEL OG VÅGÅ
2024**



Skogkultur

Vi vil oppmode alle skogeigarane til å sjå over skogen sin. Er det bestand som treng planting eller ungskogpleie bør dette gjerast nå.

Tilskotsatsane gjeld for skogkulturarbeid i 2024. Alle satsane er inntil satsar. Alle tilskot på skogkultur blir godskrive skogfondkontoen på hausten, og satsane kan bli justert ned, slik at alle får lik tilskotsprosent på like tiltak.

Sel og Vågå si prioriteringsliste for statleg tilskot i 2024 (NMSK):

1. Ungskogpleie - Inntil 40 %
2. Markberedning- Inntil 40 %
3. Suppleringsplanting- Inntil 30 %
4. Planting i høgdelag 7 og 8- Inntil 30 %
5. Planting i høgdelag 6 og nedover- Inntil 20 %

Det vil sei at ein tilskotssats på 40 % på ungskogpleie blir prioritert høgast. Tilskot til planting frå høgdelag 6 og nedover er lågast prioritert, og ein kan difor forvente at tilskotssatsen blir redusert. Da vi har begrensa med midlar er det sannsynleg at dette tiltaket vil få redusert tilskotssats i 2024.

I tillegg kjem eventuelle kommunale tilskot på ulike tiltak og klimatilskot på tettare planting. Sjå oversikt nedanfor:

	NMSK-tilskot Vågå og Sel	Klimatilskot (direkte fra Staten)	Kommunalt tilskot Vågå og Sel
TILTAK			
Planting*	Inntil 30 % på høgdelag 7 og 8 Inntil 20 % frå høgdelag 6 og nedover	Inntil 60 % av planter over minimum bonitetsavhengig plantetal	
Suppleringsplanting*	Inntil 30 % **	Inntil 40 %	
Markberedning	Inntil 40%		
Ungskogpleie	Inntil 40%		Inntil 30 %
Gjødsling		Inntil 50 %	

* Plantetilskotet består av klimatilskot for tettare planting som utgjer 14 – 20%. I tillegg inntil 30% NMSK. Effekten av klimatilskot til planting er bonitetsavhengig; oppgitte %-satsar gjeld bonitetane 14 – 8. NB! Krav til minimum plantetal pr. daa.

** Det blir gjeve inntil 70 prosent tilskot (30 % NMSK+40 % klimatilskot) til suppleringsplanting i foryngelser med utilfredsstillande tettheit. Det er krav om at plantetettheit etter suppleringsstillingar tilfredsstiller det fastsette minimumsantal pr. daa ved tettare nyplanting.



Ungskogpleie: Tilskotsatsen er inntil 40 %. Vågå og Sel har i tillegg inntil 30 % kommunalt tilskot! Når ein i tillegg nyttar skogfond er dette den beste investeringa ein skogeigar kan gjere.

Markberedning: Det er inntil 40 % tilskot til markberedning.

Gjødsling: Tilskotsatsen er 50 % i 2024. Gjeld også borgjødsling i skadde granbestand.

NB! Det er krav om dokumentasjon og kartfesting av alle skogkulturarbeid som skal dekkast med skogfond og/eller ha tilskot. Restkostnader som ikkje dekkast med tilskot kan dekkast med skogfond.

Tilskot til skogsdrifter

	STATEN	KOMMUNALT
TILTAK	NMSK	Vågå og Sel
Taubanedrifter <i>(kun til kontraherte drifter)</i>	Ta kontakt med landbrukskontoret	Inntil 50 kr/m ³ maks kr 30 000
Opparb. standplass Hestedrift	Ta kontakt med landbrukskontoret	-
Førstegongs manuell tynning i H.kl. III *	Inntil 600 kr/daa	Inntil 300 kr/daa maks kr 30 000
Mellomvanskeleg terreng **	-	100 kr/m ³ maks kr 30 000

** Tilskot til manuell førstegongs tynning*

Gjeld for førstegongs manuell tynning i hogstklasse 3 med dokumentert underskot.

*** Tilskot til drift i mellomvanskeleg terreng*

Ordninga gjeld for motormanuell drift med traktor og vinsj og omfattar rundvirke av gran og furuvirke som er levert for sal, innrapportert til VSOP-basen. Minste kvantum er 40 m³. Lilengda må vere minst 50 meter og ha gjennomsnittleg helling minst 40%. Tilskot blir berre gjeve i område som er avsett til landbruksformål i arealplanen og som fortsatt skal brukast til skogbruksformål. Det er eit vilkår at det vert sørgja for tilfredsstillande forynging av hogstfeltet.
NB! Drifta skal førehandsgodkjennast av kommunen.



Skogdrift i Langmorkje Almenning

Tilskot til skogsvegbygging

Ombygging og nyanlegg av skogsvegar:

- Minimum anleggskostnad kr 30.000 for statstilskot.
- Statstilskot inntil 40 % for skogsbilvegar.
- Statstilskot inntil 25 % for traktorvegar.
- I tillegg har kommunane tilskotsordningar for vegbygging, ta kontakt for nærare informasjon.

Punktutbetringar (Bru, kulvertar, stikkrenner, snuplassar):

- Minimum anleggskostnad kr 30.000
- Tilskot til utbetring bru: inntil 50 %.

FOR STØRRE VEGANLEGG MÅ VI HA INN SØKNADAR OM TILSKOT
ÅRET FØR PLANLAGT BYGGING

Når er vegbygging søknadspliktig?

- Nybygging av permanente vegar er søknadspliktig. Dette gjeld for alle vegklasser.
- Vegbygging krev ofte omfattande saksbehandling. Ta derfor kontakt med landbrukskontoret i god tid på førehand.
- Ombygging av veg er søknadspliktig viss vegklassa hevast, viss traseen endrast eller bredda utvidast utover eksisterande vegbreidde.
- Bygging av enkle og midlertidige vegar er søknadspliktig viss gravinga

fører til meir enn 1 meters skjæring eller fylling eller det bli grove i ei lengd på over 150 m eller totalarealet av gravinga overstig 450 m² .

Landbrukskontoret kan gje nærare informasjon om regelverk og søknadsprosedyre i høve til bygging av landbruksvegar.

Vedlikehald av skogsvegar

Det bør utførast enkelt vedlikehald av skogsbilvegane årleg. Det viktigaste er å sjå etter at grøfter og stikkrenner er i orden slik at vatn ikkje kjem på avvegar og gjer skade på skogsvegen eller annan infrastruktur. Vegeigaren er ansvarleg for at dette er i orden og kan bli stilt til ansvar for eventuell skade på andre sin eigedom. Anna viktig vedlikehald er kantrydding, høvling/slodding og grusing.

For å unngå unødvendig slitasje på veggen kan det løne seg å stengje veggen for trafikk i verste vårløysinga og andre særleg våte periodar.

Kostnader inntil 4 kr/m. (evt. høgare sats etter førehandsgodkjenning) til ordinært årleg vedlikehald av skogsbilvegar (ikkje traktorvegar) kan dekkast med skogfond.

Kva kan skogfond nyttast til?

Skogfond kan nyttast til:

- Skogkulturtiltak, som planting og ungskogpleie
- Nybygging og ombygging av skogsvegar, samt ombygging av velteplassar. Enkel vegbom. Utgifter til byggeplan for skogsveg.
- Vedlikehald av skogsbilvegar og velteplassar (sjå punkt "vedlikehald av skogsvegar")
- Miljøtiltak, som pleie av kantsoner i skog
- Skogbruksplanlegging
- Bioenergianlegg og -utstyr for varmeleveranse
- Forsikring av skog samt eigenandelar på erstatnings – eller forsikringsoppgjær.
- Kursavgift og kursmateriell for kurs knytt til skogens drift
- Oppmerking av eigedomsgrenser i forbindelse med jordskifte
- Vegavgift til vegforening som går til vanleg vedlikehald (skogsvog) som skogeigar er eigar i.

Det kan også dekke meirverdiavgift knytt til dei aktuelle tiltaka (gjev ikkje skattefordel).

Skogfond kan ikkje nyttast til:

- Bygging av enkle midlertidige driftsvegar
- Sporpynting etter skogsdrift
- Brøyting/strøing av veg
- Vedlikehald traktorveg

- Reparasjon av veg dersom skadane har oppstått under skogsdrift
- Kjøp av teknisk utstyr (planterør, ryddesag, motorsag e.l)

Nærmare informasjon om skogfondsordninga finn ein på Landbruksdirektoratets heimesider: www.landbruksdirektoratet.no. Landbrukskontoret vil og kunne gje råd om bruk av skogfond.



Prosjekt Klima – og stedstilpasset skogbruk i en grønn fremtid

Kommunane i Midt og Nord – Gudbrandsdalen har gått saman om å etablere prosjektet Klima – og stedstilpasset skogbruk i en grønn fremtid. Hallvard Helland er tilsett som prosjektleiar i 60% stilling frå 1. mars med kontor på landbruksavdelinga i Vågå kommune. Helland er utdanna skogbrukskandidat frå NLH i 1997 og har drive eige firma, Helland Skogdrift, sidan 1999. Han bur i Lom og driv gard med ammeku. Arbeidsdagar er i utgangspunktet måndag, tysdag og onsdag, med onsdag som fast kontordag.

Eit viktig satsingsområde for prosjektet er auka aktivitet i skogbruket med hovudfokus på forynging, ungsogpleie og tynning. Dette er viktige tiltak for å få skog som er best mogleg rusta for å takle framtidige endringar i ver og klima kombinert med sterkare føringar om større innslag av lukka hogstar.

Opprusting av eksisterande skogsbilvegnett er også eit prioritert satsingsområde for prosjektet. Dette er viktig både med tanke på tilkomst og for å førebyggje store eingongskostnader ved at vegane blir øydelagt som resultat av manglande

vedlikehald. Erfaringane etter Hans og andre ekstremvêr siste åra viser at dette blir stadig viktigare. Prosjektlear kan hjelpe til med organisering og registrering av veglag og elles i prosessen for å for å kome i gang med nødvendig oppgradering.

Viss du har spørsmål eller ønskjer bistand til å vurdere tiltak i eigen skog er det berre å ta kontakt på tlf: 950 47031 eller epost:

hallvard.helland@vaga.kommune.no

Kontakpersonar på skog

Tilsette på landbrukskontoret:

Torje Bjørke, tlf. 416 74 644

e-post: torje.bjorke@vaga.kommune.no

Anna Bilstad, tlf. 900 84 102

e-post: anna.bilstad@vaga.kommune.no

Jan Teigen, tlf. 994 51 073

e-post: jan.teigen@vaga.kommune.no

Hallvard Helland, tlf. 950 47 031 (prosjektlear)

e-post: hallvard.helland@vaga.kommune.no

Glommen-Mjøsen Skog:

Ola Løkken, tlf. 971 94 015

e-post: ol@glommen-mjosen.no

Ola Jo Nørstegård, 911 97 679

e-post: ojn@glommen-mjosen.no